



POLISI MYNEDIAD PONTIO A CHYSWLLT CYNRADD/UWCHRADD Y STRADE

Cyflwyniad

Ein prif nod yw sicrhau bod disgyblion Blwyddyn 6 yn trosglwyddo o'r ysgol gynradd i Ysgol Y Strade yn hapus ac yn llwyddiannus gan ymgartrefu'n hwylus ym Ml 7 o'r dechrau, er mwyn iddynt allu ymateb yn llawn i'r profiadau addysgol a chymdeithasol a gynigir iddynt. Pwrpas y polisi pontio yw amlinellu egwyddorion a threfniadau a gynllunir ac a weithredir ar y cyd gyda'r ysgolion cynradd i wireddu'r nod hwn yn effeithiol. Golyga hyn ein bod yn cynllunio i sicrhau dilyniant a pharhad o ran y cwricwlwm, sgiliau a safonau ac hefyd yn y gofal lles a roddir i'r disgyblion.

Amcanion

- Adnabod y disgyblion yn dda ym mlwyddyn 6 cyn iddynt gyrraedd Ysgol Strade.
- Rhoi cyfle i'r disgyblion a'u rhieni ddod i adnabod yr ysgol uwchradd a chyfarwyddo â'i pholisïau,
- Ceisio sicrhau cyd-ddealltwriaeth ynglyn â disgwyliadau a safonau'r ysgol uwchradd a'r bartneriaeth cartref-ysgol mae'r ysgol uwchradd am ei ffurfio gyda'r rhieni er lles cynnydd a llwyddiant pob disgybl.
- Rhoi cyfle i'r disgyblion a'u rhieni gyfarfod â'r athro dosbarth a'r Pennaeth Blwyddyn a staff perthnasol eraill cyn i'r disgybl ddechrau yn Ysgol Y Strade.
- Esbonio pwysigrwydd y Llyfr Cyswllt fel dolen gyswllt rhwng yr ysgol a'r rhieni a chyfeirio at y Cytundeb Cartref-Ysgol.
- Sicrhau cysylltiad agos rhwng athrawon yr ysgolion cynradd ac athrawon Ysgol Y Strade.
- Adnabod unrhyw anghenion addysgol arbennig sydd gan y disgyblion ac hefyd adnabod disgyblion abl a dawnus, er mwyn sicrhau bod darpariaeth addas yn cael ei pharatoi ar eu cyfer yn Ysgol Y Strade, yn unol â gofynion y Cod Anghenion Dysgu Ychwanegol Cymru 2021.
- Adnabod unrhyw broblemau ymddygiad/emosiynol sydd gan y disgyblion.

Cyswllt Cynradd/Uwchradd

Mae perthynas agos iawn yn bodoli rhwng Ysgol Y Strade a'r ysgolion cynradd y Teulu sef Ysgol Gymraeg Brynsierfel, Ysgol Gymraeg Dewi Sant, Ysgol Iau Llangennech, Ysgol Ffwrnnes, Ysgol Gymraeg Parc y Tywyn, Ysgol Y Felin, Ysgol Trimsaran, Ysgol Pum Heol, Ysgol Yr Hendy, Ysgol Gwennllian. O bryd i'w gilydd daw disgyblion o rai ysgolion eraill tu allan i ddalgylch arferol yr ysgol.

Disgyblion tu allan i ddalgylch y Strade

Mae dalgylchoedd tair Ysgol Gyfun Cymraeg yn ffinio â dalgylch Ysgol y Strade – Ysgol Bro Myrddin, Ysgol Maes y Gwendraeth ac Ysgol Gwyr. Daw rhai disgyblion o'r ardaloedd hyn o bryd i'w gilydd yn dibynnu ar ba ysgolion Cynradd y mynychwyd ganddynt.

Cyfarfodydd Teulu'r Strade

Cynhelir cyfarfodydd Teulu'r Strade unwaith bob hanner tymor, sef Penaethiaid / athrawon Cynradd y dalgylch, Diprwy Bennaeth y Strade, cydgysylltydd pontio, cydgysylltydd CDP Strade ac arweinydd y Teulu ar ran y Sir. Ceir trafodaethau ar faterion cwricwlaidd, trefniadau asesu, gwybodaeth a deunyddiau pontio ynghyd â thrafodaethau am gynlluniau datblygu blynyddol a chyllid.

Mae nifer o gysylltiadau Cwricwlaidd yn bodoli, gyda'r adrannau Craidd yn bennaf, â'r cynrychiolwyr pwnc o'r Ysgolion Cynradd yn dod at ei gilydd i drafod a chynllunio. Yn sgîl datblygiadau asesu ffurfiannol a proffiliau disgybl mae'r cyswllt hwn yn allweddol i lwyddiant y broses trosglwyddo.

Yn ddiweddar mae'r cyfarfodydd wedi esblygu i gynnwys arweinwyr Llythrennedd a Rhifedd ysgolion y Teulu yn ogystal ag athrawon blwyddyn 6 yr ysgolion cynradd.

Trefniadau Pontio

Mae'r Cyd-Gysylltydd Pontio yn gyfrifol am gyd-gysylltu a datblygu'r holl broses o bontio a throsglwyddo disgyblion Blwyddyn 6 o'r ysgolion cynradd i Ysgol Strade.

Mae'r trefniadau hyn yn cynnwys y gweithgareddau canlynol:

- trefnu noson 'Y Strad ear waith' i ddarpar rieni a disgyblion Bl 5 a 6 cyn hanner tymor yr Hydref.
- ymweld â phob dosbarth Blwyddyn 6 yn ystod y flwyddyn i gynnal sesiynau torri'r îâ er mwyn dod i adnabod y plant.
- trefnu ymweliadau â Strade yn ystod y flwyddyn ar gyfer disgyblion Blwyddyn 6 gyda'r nod o roi blas ar naws yr ysgol a'r math o waith a wneir ynddi e.e Diwrnod Oh la la (miri leithioedd Tramor), her mini marathon, diwrnod o ddilyn gwersi ac ymweld fel ysgolion unigol.
- Trefnu Noson i Rieni a Disgyblion Newydd yn Ysgol Strade – cyfle i gyfarfod ag athro dosbarth a Phennaeth Blwyddyn 7 a derbyn pecyn gwybodaeth am ddisgwyliadau'r ysgol.
- Bydd y cyd-gysylltydd pontio a'r CADY yn trafod gydag Athrawon Blwyddyn 6 a chasglu data cyrhaeddiad a gwybodaeth am anghenion a chefnidir y disgyblion gan gynnwys gwybodaeth am ddisgyblion abl a dawnus; casglu gwybodaeth am grwpiau o ffrindiau ac unrhyw faterion lles/ ymddygiadol y dyld eu cymryd i ystyriaeth wrth osod disgyblion mewn dosbarthiadau. Trosglwyddo'r data i'w osod mewn pecyn gwybodaeth gynhwysfawr i'w gyflwyno i staff Y Strade ar ddechrau Medi.

Anghenion Dysgu Ychwanegol

Mae rôl y Cyd-Gysylltydd Anghenion Dysgu Ychwanegol (CADY) hefyd yn allweddol bwysig yn y broses o ddatblygu'r cyswllt a'r broses bontio. Trefnir i'r CADY:

- ymweld â phob ysgol gynradd yn ystod y flwyddyn
- trafod anghenion dysgu ychwanegol disgyblion gydag athrawon Blwyddyn 6 a CADY yr ysgolion cynradd.
- Casglu gwybodaeth ac adroddiadau swyddogol gan y Gwasanaeth Seicolegol ac asiantaethau eraill priodol.
- Ffurio Cofrestr ADY Bl 7 ar sail y wybodaeth a gesglir a throsglwyddo'r wybodaeth i Bennaethiaid Adran a staff Ysgol Y Strade. Mae'r gofrestr ADY yn cynnwys gwybodaeth am anghenion addysgiadol ychwanegol, anghenion emosiynol ac ymddygiadol arbennig ac anghenion disgyblion abl a dawnus.
- Llywio cyfarfodydd CADY yn dymhorol.

Dogfennau Trosglwyddo

Trosglwyddir ystod o ddogfennau perthnasol a data o'r ysgolion cynradd i Ysgol Strade (megis gwybodaeth academiaidd; data profion darllen safonol a rhif; manylion cefndir a diddordebau/cryfderau ac ADY/ abl a dawnus)

HMS

Trefnir diwrnodau HMS ar y cyd gyda'r Ysgolion Cynradd yn achlysurol neu trefnir HMS ar yr un thema yn unol a ffocws cynlluniau Teulu.

Rhannu Adnoddau

Mae gwahoddiad agored i'r Ysgolion Cynradd ddefnyddio adnoddau ac adeilad Ysgol Strade a gwneir hyn yn achlysurol.

Diweddarwyd:	3/10/24 (Adam Powell)
Derbyniwyd gan y Corff Llywodraethol:	
Llofnod y Cadeirydd:	